

# Ata Faataitai, Vaega 1

Ua toeitiiti atoa le lua tausaga talu ona i aiLui i le fale mai lana misiona. Ona e popole o ia i le tausiga o se aiga i le lumanai, ua tonu ai ia te ia e galue faavaitaimi a o alu i le aoga. E utiuti lona taimi, ae e fiafia o ia i lana vasega inisitituti faalevaiaso ma avea o se mea e faamuamua. E masani lava ona siaki e Lui ia ala o faasalalaua faaagafesootai ma taalo i taaloga i luga o le pasi pe a o lei amataina vasega. E le toetele ni teine ua feiloai i ai o ia talu ona foi mai i le fale. Ua ia ta'u atu i lona aiga ua ia lagona e pei o le a sili atu ona lelei le faatalitali le tulimatai atu ma le manatu mamafa i le faaipoipoga seia maea lana aoga. E manatu o ia afai e tatau ona faaipoipo vave, o le a tupu.

E auaiEma i le vasega inisitituti lava lea e tasi ma Lui ae e lei feiloai lava ia te ia. E masani lava ona nofo o ia ma ana uo ma e seāseā ona talanoa i se isi lava tagata. E le fiafia o ia e feiloai atu i alii ma tafaoga faamasani i se tulaga lautele. Ua popole o ia afai na te amataina se isi mafutaga, o le a muta, e pei o isi mafutaga uma ua tuanai. Ua vaivai faalelagona o ia ma e le o lagonaina ua lava lona malosi e oo atu ai i se isi mafutaga. Sa ia faamaeaina le aoga i le tausaga talu ai ma ua i ai sana galuega tumau. Ua popole o ia atonu o le a ia le feiloai i le alofa moni i ai pe faamauina i le malumalu ma ua mafaufau ai pe tatau ona ia tafao faamasani ma se tasi i fafo atu o le Ekalesia.

A uma ona faitau faatasi le ata faataitai, talanoa i fesili nei:

- O le a sou manatu i popolega o Lui ma Ema?
- Maufaufau i mea ua tatou aoaoina mai le vaega 1 o anmea o sauniuniga, o le a se fautuaga e ono fesoasoani mo Lui? O le a se fautuaga e ono fesoasoani ia Ema?
- Afai e te lei talanoaina nei fuaitau i la outou talanoaga faavaega, faitau faatasi ma talanoaina pe faapefea ona latou fesootai ia Lui ma Ema: Faataoto 3:5–6; 2 Nifae 22:2; Mataupu Faavae ma Feagaiga 58:26–28. Na faapefea ona e faaogaina pe mafai faapefea ona e faatinoina le faatuatua i le Alii i au taumafaiga e saili se soa e faavavau?